

INUIT ATAQATIGIIT

Inatsisartuni



ulloq 26 maj 2025

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Inatsisartut UPA 2022-imi imm. 110-mi aalajangiinnerminni Naalakkersuisut peqquneqarput Nunatta nunasiatut inissisimajunnaarfiani pisut qulaanarneqassasut, piffissamilu pineqartumi Naalagaaffiit peqatigiit nunasiaataajunnaarsitsinissamik piumasaqaataat Danmarkimit malinneqarsimanersut misissuiffigineqassasoq, tamannali suliaq suli aallartinngitsoq tusagassiorfitsigut paasivarput, suliaq aallartinniarlugu Naalakkersuisut qanoq iliuuseqarpat?
2. Qaqagu Ilisimatusarfiup suliniummut missingersuutit pillugit ilisimatusarnermi aqutsisunik isumaqatigiissuteqarnissaa naammassineqassava?
3. Naalakkersuisut uppersarsinnaavaat inatsisitigut ataataqanngitsunut tunngatillugu ikiorsiinarluni aningaasaliissutut utertinneqarsimanerat?

A. Akissut aappiuppat suna tunngavingalugu utertinneqarpat?
4. Naalakkersuisut uppersarsinnaavaat naartunaveersaasersorneqarsimasut oqaloqaleqartarnissaannut periarfissiinniarluni aningaasaliissutut utertinneqarsimanerat?

A. Akissut aappiuppat suna tunngavigalugu utertinneqarpat?

(Inatsisartunut ilaasortaq Mariane Paviassen Jensen, Inuit Ataqatigiit)

Tunngavilersuut:

Oqaluttuarisaanermi nunasiaataasimanitsinni pisimasut ilungersunartut naartunaveersaasersuisimanerit, inatsisitigut ataataqqaannginnerit, meeqqanik aallarussuinerit, naqisimanninnerit, taakku saniatigut nutaatut nunatta namminersulinnginnissaannut suliniutigineqartarsimasut qulaajavigineqassaasut Inatsisartut isumaqatigiittut UPA 2022-mi aalajangerput. Aalajangiineq inuiaqatigiinnut pingaaruteqarluinnartuuvoq tusagassiutitigulli tusarparput qulaajaanerit suli aallartinneqarsimanngitsutⁱ, naak inuiannut tusarluinneqarsimagaluartoq suliat ingerlanissaannut sulisussanik inuttaliisoqartoq. Toqqarneqarsimasut manna tikillugu Naalakkersuisoqarfimmit nalunaarfigineqarnissamik utaqqineq patsisaatillugu suliamik aallartitsisinnaasimanngitsut nalunaarutigineqarpoq. Paaserusunnarpoq suliat

taamak pingaaruteqartigisut sooq aallartissimannginnerat aammalu ingerlateqqinniassagaanni suut pisariaqartinneqarnersut.

Kissaatigaara apeqqutit ullut qulit qaangiutsinnagit akineqarnissaat.

ⁱ <https://knr.gl/kl/nutaarsiassat/oqaluttuarisaanermik-qulaajaanissaq-suli-aallartinneqanngilaq>